



FAKTOR KEHAMILAN LUAR NIKAH DALAM KALANGAN REMAJA DI NEGARA BRUNEI DARUSSALAM

DR HJH MAS NOORAINI HJ MOHIDDIN,
Fakulti Syariah dan Undang-Undang, UNISSA, Brunei Darussalam
Masnooraini.mohiddin@unissa.edu.bn

DR HAJAH NURZAKIAH HAJI RAMLEE,
Fakulti Syariah dan Undang-Undang, UNISSA, Brunei Darussalam
Nurzakiah.ramlee@unissa.edu.bn

DR HAJAH HANAN BINTI PEHIN DATO HAJI AZIZ,
Fakulti Syariah dan Undang-Undang, UNISSA, Brunei Darussalam
Hanan.Aziz@unissa.edu.bn

HAYATUDDIN HJ MOKSIN,
Fakulti Syariah dan Undang-Undang, UNISSA, Brunei Darussalam
Hayattuddin.Moksin@unissa.edu.bn

DAYANG SUAAD BINTI DR HAJI SERBINI,
Fakulti Syariah dan Undang-Undang, UNISSA, Brunei Darussalam
Dygsuaad.drhjserbini@unissa.edu.bn

DR DAYANG HJH TIAWA BINTI AWG HJ HAMID,
Fakulti Teknologi Islam, UNISSA, Brunei Darussalam.
Tiawa.hamid@unissa.edu.bn

Abstrak.

Fenomena kes kehamilan luar nikah bukanlah suatu perkara yang asing berlaku di kebanyakan negara membangun tanpa mengira ugama dan bangsa dan ini termasuklah Brunei Darussalam. Kes ini bukan hanya berlaku dalam kalangan belia bahkan masalah sosial ini juga terjadi dalam kalangan remaja yang sinonim dengan aset pembangunan negara di masa hadapan. Kehamilan luar nikah memberi gambaran bahawa perbuatan zina sedang berkembang luas di sebabkan oleh pelbagai faktor selain dari faktor yang berlaku di luar kawalan seperti jenayah rogol dan terpaksa. Kajian ini bertujuan untuk mengupas faktor yang menyumbang ke arah peningkatan kehamilan luar nikah dalam kalangan remaja di Negara Brunei Darussalam. Metodologi penyelidikan yang diguna pakai adalah secara kualitatif deskriptif dengan menggunakan analisis kandungan sebagai kaedah penganalisan disamping method temubual dengan pihak berkaitan. Analisis dilakukan dengan meneliti maklumat data sekunder terutama penulisan, jurnal dan artikel. Kajian perpustakaan dijalankan dengan bersumberkan buku, kertas kerja seminar, laman sesawang yang berkaitan. Banyak faktor yang menyumbang ke arah peningkatan isu gejala ini di Brunei Darussalam di antaranya ialah pengaruh media massa, pengaruh rakan sebaya, kurang perhatian keluarga dan sebagainya. Impak dari seks luar nikah ini akan memberi kesan buruk bukan sahaja kepada pasangan remaja yang melakukannya malahan membabitkan banyak pihak seperti keluarga, masyarakat dan negara. Justeru, kerjasama dari pelbagai diperlukan bagi mengelakkan kejadian ini berleluasa kerana remaja memerlukan sokongan dari semua pihak terutama sekali keluarga untuk berubah untuk menjadi lebih baik dan bertanggungjawab.

Kunci Kata: Kehamilan, Luar Nikah, Remaja.

1. Definisi remaja

Pengertian hamil tanpa nikah ialah mengandung sebelum berkahwin menerusi hubungan seks di antara dua pasangan tanpa suatu ikatan yang sah (Alavi, et al., 2012) sama ada dari sudut agama dan undang-undang negara (Jolley, 2001). Pengertian hamil luar nikah atau tanpa nikah adalah keadaan seorang wanita sama ada muda atau tua menghamilkan anak apabila terjadinya hubungan kelamin sedangkan dia bukan dalam perkahwinan yang sah (Mariam et al., 2019). Undang-Undang Jenayah Brunei mendefinisikan hamil luar nikah iaitu Dalam konteks Islam, penyaluran kehendak seks yang menyeleweng akan membawa kepada kekacauan keturunan, keruntuhan institusi keluarga dan masyarakat, peningkatan kadar individu yang mengalami stress, pergaduhan, tersebaranya penyakit berjangkit serta berleluasanya perlakuan tidak bermoral ini dirujuk sebagai perzinaan. Zina dalam Islam bukan sahaja



di anggap sebagai satu dosa besar, bahkan menjadi titik tolak kepada berlakunya pwerlbagai perlakuan lain yang lebih serius (Adibah & Siti Zubaidah, 2017).

Remaja di takrifkan sebagai mulai dewasa, muda, mentah, belia, hijau, cukup umur, dan baligh (Kamus Dewan, 2017, Edisi keempat). Berasal dari perkataan latin *adolensense* yang bererti tumbuh atau tumbuh menjadi dewasa. Istilah *adolensence* mempunyai erti yang lebih luas lagi yang mencakup kematangan mental, emosi sosial dan fizikal (Hurlock, 1992). Bahkan perkataan itu juga sering di rujuk kepada tempoh peralihan di antara zaman kanak-kanak dengan zaman dewasa dalam kehidupan seseorang.

Pengertian remaja di peringkat antarabangsa seperti United Nation of Educational and Cultural Organisation (UNESCO), Pertubuhan Bangsa-Bangsa Bersatu (PBB) iaitu peserta yang berumur antara 15 hingga 24 tahun dengan merujuk kepada belia khususnya, walau bagaimanapun pengertian ini adalah fleksible. Menurut Laporan Dunia Belia pada tahun 2018 sebanyak 1.2 billion remaja antar umur 15 hingga 24 tahun iaitu 16% daripada jumlah keseluruhan penduduk dunia (UNESCO, t.thn). Dalam Islam, golongan remaja yang telah mencapai tahap akil baligh adalah masa yang paling penting dalam pengisian keperibadian dan identiti ibadah. seseorang remaja yang sudah mencapai tahap baligh tidak semestinya sudah mencapai tahap kematangan akal fikiran dalam membuat sesuatu keputusan (Akram Redha 2000: 35)

Menurut pengertian bahasa Arab, dalam kamus al-Muhit (Al-Fairūz Abādiyy 1995: 800), remaja dikaitkan dengan istilah: yang bermaksud: ketololan, kebodohan, kejahilan, tunggangan kejahatan dan kezaliman dan perbuatan sumbang. Oleh yang demikian, berlatar belakangkan kepada pengaruh bahasa dan ketamadunan pemikiran Arab, remaja itu dihubungkan dengan ciri-ciri dan sifat kebodohan dan belum mencapai tahap kematangan. Kecuali mereka yang ada kesungguhan menurut tarbiyyah dan ajaran syari'at akan menjauhkan remaja dari sifat-sifat yang dinyatakan di atas lantas mengurangkan sifat memberontak dan kerosakan (Muhammad Hamid & Khaulah Darwish 1997: 16). Kehamilan luar nikah dalam kalangan remaja adalah merujuk kepada remaja di bawah umur yang hamil tanpa ikatan yang sah (Sarnon et al., 2013). Menurut Alavi et al., (2012) remaja hamil luar nikah tergolong dalam kalangan yang berumur di anatar 13 hingga 18 tahun. Maka dapat dikatakan bahawa remaja berisiko ialah yang berhadapan dengan masalah dalam proses perkembangan usia remaja mereka (Azyyati et al., 2013).

2.Tahap Fasa Remaja

Menurut data WHO pada tahun 2015, seramai 21 juta remaja berumur 15-19 tahun dan sekurang-kurangnya 777,000 remaja yang di bawah umur 15 tahun melahirkan anak setiap tahun di negara membangun. Sekurangnya 10 juta remaja yang melahirkan anak luar nikah berlaku setiap tahun di negara-negara membangun di dunia. Antara puncanya ialah salah laku seksual sehingga membabitkan 1/3 dari remaja dalam sesetengah negeri adalah secara paksaan WHO, (2022). Masa remaja adalah peralihan dari masa anak dengan masa dewasa yang mengalami perkembangan semua aspek atau fungsi untuk memasuki alam dewasa (Wilga Secsio et al., 2016). Tempoh remaja biasanya di bahagikan kepada apa yang bolih diistilahkan sebagai remaja awal. Umur bagi merujuk tempoh ini ialah di antara 12 hingga 16 atau 18 tahun. Bagi tempoh masa yang di anggap sebagai remaja akhir pula biasanya merujuk kepada jarak masa umur antara lingkungan 16 hingga 25 tahun. Gologan ini biasanya di kenali sebagai belia (Anuar, 2001).

Kehamilan remaja menjadi perhatian ramai di seluruh dunia. Dari sudut sejarah, kehamilan remaja bukanlah perkara baru. Pertubuhan Kesihatan Sedunia (WHO) mendefinisikan kehamilan remaja sebagai kehamilan yang berlaku pada wanita muda berusia 10 hingga 19 tahun (WHO, 2004). Islam adalah agama rasmi di Brunei, dan seks pra-perkahwinan dilarang sama sekali dalam Islam. Walaupun merupakan sebuah negara Islam, jumlah remaja yang terlibat dalam hubungan seks sebelum perkahwinan meningkat setiap tahun. Menurut statistik, 280 remaja Muslim di bawah umur 20 tahun dan yang paling muda berusia 16 tahun di negara ini, hamil setiap tahun yang berjumlah 1.400 kehamilan remaja dalam tempoh lima tahun terakhir. (Berita, 2016).

Sementara itu Sunday (2015) melaporkan; Klinik Kesihatan Ibu dan Anak telah mencatatkan lebih 23,000 kehamilan remaja dalam 10 tahun, termasuk seorang gadis berusia 11 tahun menjadi ibu termuda di Brunei, kata seorang pegawai perubatan di Pusat Promosi Kesihatan. The Asean Post (Maizurah, 2018) menyatakan Setiap tahun, dianggarkan 21 juta kanak-kanak perempuan berusia antara 15 hingga 19 tahun, serta dua juta gadis di bawah umur 15 tahun, hamil di negara-negara membangun. Walaupun kadar kelahiran remaja global telah menurun dari 65 kelahiran bagi setiap 1.000 wanita pada tahun 1990, kepada 44 kelahiran setiap 1.000 wanita pada tahun 2018, jumlah mutlak masih meningkat dan dijangka terus meningkat disebabkan oleh peningkatan jumlah orang muda. Di rantau Asia Tenggara, kadar kelahiran remaja rata-rata pada tahun 2018 adalah 37.2 bagi setiap 1,000 wanita berusia antara 15 hingga 19. Singapura



mencatatkan kadar kelahiran remaja terendah bagi setiap 1,000 wanita berusia 15 hingga 19 tahun pada 2.7, diikuti Brunei pada tahap 11.4.

3. Gejala Sosial Dalam Kalangan Remaja

Pelbagai isu sosial lain yang semakin bertambah melibatkan remaja sehingga mengancam kehidupan masyarakat di negara ini. Pelbagai jenis salah laku yang dikategorikan sebagai jenayah yang membabitkan harta benda atau jiwa manusia berlaku dalam masyarakat yang melibatkan golongan remaja di luar kawasan sekolah. Mereka terlibat dengan kes mencuri, mencabul dan ada yang terlibat dengan kes pembuangan bayi (Azyyati et al., 2013). Fenomena yang berlaku dalam masyarakat akhir akhir ini adalah sangat membimbangkan. Penglibatan golongan remaja sering dikaitkan dengan pelbagai isu sosial kritikal yang berlaku dalam negara antaranya kehamilan tanpa nikah dan pembuangan bayi (Mariam et al, 2019). Mohd. Fauzi & Mohd. Khairul Naim (2012), menjelaskan bahawa gejala seks bebas, pengguguran kandungan, kelahiran anak luar nikah, dan pembuangan bayi dalam kalangan remaja hari ini bukan lagi menjadi suatu perkara asing dalam masyarakat. Realitinya, pada masa kini, mereka menerima perlakuan intim seperti berpeluk, bercium dan hubungan seks antara pasangan kekasih sebagai suatu gaya hidup yang normal. Kajian mendapati bahawa 60-70 peratus pelajar sekolah rendah yang berumur di antara 9-12 tahun mengetahui mengenai seks dan berminat untuk mengetahui lebih lanjut melalui bahan-bahan yang lucah. Kajian ini menunjukkan tahap yang serius berkaitan penglibatan golongan remaja hari ini dalam salah laku seksual.

Istilah anak yang lahir di luar perkawinan di Brunei dibezakan antara orang muslim dan non muslim. Bagi yang beragama Islam, anak yang lahir di luar perkawinan memiliki dua pengertian, iaitu; anak yang lahir bukan dalam tempoh pernikahan dan anak yang lahir dalam pernikahan yang kurang dari masa enam bulan qamariyah. Sedangkan bagi yang bukan beragama Islam anak yang lahir di luar perkawinan adalah anak yang lahir tidak di dalam perkawinan. Isu yang membimbangkan dunia ini turut sama di hadapi oleh Brunei. Pejabat Pendaftaran Kebangsaan Brunei mencatatkan jumlah kehamilan luar nikah selama 10 tahun iaitu dari tahun 2011 hingga Ogos 2021, seramai 4,489 anak yang lahir luar nikah terdiri dari semua bangsa dan mengejutkan sebanyak 72% dari jumlah tersebut iaitu 3,216 adalah dari bangsa Melayu yang beragama Islam.

Menurut Fākhir (1986: 281), terdapat satu tempoh masa yang dianggap bahaya semasa proses perkembangan remaja apabila ibu bapa sukar untuk memahami perubahan drastik yang berlaku kepada remaja dan perlakuan serta pendirian anak remaja. Akibatnya berlaku ketegangan dalam hubungan ibu bapa dan anak remaja. Oleh yang demikian, aspek-aspek jiwa anak remaja perlu diketahui oleh ibu bapa mengenai keadaan akil baligh, perubahan emosi, hubungan sosial antara kawan, hubungan dengan berlainan jantina. selain itu, kesukaran memilih kerjaya masa depan, kenakalan dan percubaan remaja untuk bebas dari kongkongan kuasa ahli keluarga. Ciri-ciri golongan remaja sedemikian sedang mengalami mimpi di siang hari (day-dreaming) dan sering berada di alam fantasi berbanding dengan kegiatan yang produktif dalam kehidupan realiti yang sebenar sehingga sangat menitikberatkan penampilan diri dan hubungan di antara berlainan jantina.

Proses pembentukan perlakuan remaja sebenarnya tidak timbul secara semula jadi. Menurut Bronfenbrenner (1917 – sekarang), secara ekologi sistem persekitaran seperti persekitaran rumah, sekolah dan rakan sebaya, persekitaran pekerjaan ibu bapa, rangkaian kenalan abang atau kakak dan institusi lain seperti sekolah, sahabat handai, media massa, perundangan dan kejurangan begitu kuat dalam mempengaruhi perkembangan sepanjang hayat manusia terutamanya perkembangan perlakuan pada peringkat kanak-kanak dan remaja (Thomas 2000: 402 – 418, dalam Mohammad Nasir, 2006: 79). faktor-faktor persekitaran luar negatif tersebut dianggap sebagai faktor-faktor berisiko yang memberi sumbangan sama ada secara langsung atau tidak langsung kepada perlakuan bermasalah terutamanya pada peringkat remaja. Kanak-kanak atau remaja yang terdedah dengan persekitaran sosial berisiko dianggap sebagai kanak-kanak atau remaja berisiko (Garmezy 1991) dalam (Mohammad Nasir, 2006: 80)

Berdasarkan kenyataan di atas, remaja berisiko ialah yang mempunyai simptom-simptom tingkah laku yang negatif. Mereka juga yang terlibat dalam pelbagai jenis salah laku yang menyimpang dan bertentangan dengan norma dan nilai yang dipersetujui oleh masyarakat (Azyyati et al., 2013). Apa yang digambarkan sebagai kanak-kanak atau remaja berisiko adalah mereka yang terdedah dengan faktor-faktor berisiko seperti keluarga yang tidak berfungsi atau bermasalah, keluarga yang mempunyai status sosioekonomi yang rendah atau kemiskinan, kejurangan yang tidak selamat, tidak diterima oleh rakan sebaya, tiada sokongan daripada dewasa lain dan institusi sekolah yang teruk yang menjadikan individu tersebut rapuh dan sukar untuk menyesuaikan perlakuan mereka (Azyyati et al., 2013).

Berdasarkan latar belakang remaja berisiko yang sedemikian, Majdiyy al-Hilāliyy (1997: 21) telah berpendapat bahawa mereka mengalami gejala kelemahan jiwa . Di antara sebab yang membawa kepada ciri-ciri lemah jiwa ialah berpunca



dari para ibu bapa yang tidak mengambil berat dalam memupuk nilai-nilai yang benar dalam diri anak sejak kecil dan gaya keibubapaan dalam mendidik. selain itu, terdapat unsur dalaman yang lemah dalam jiwa akibat kekacauan dan keretakan ahli keluarga membawa kepada seseorang membawa hal sendiri dan menjadikan kekacauan yang dihadapinya menjadi perkara biasa dan membawa pengaruh yang negatif.

Isu keruntuhan akhlak seperti ini semestinya mempunyai kaitan dengan pengaruh seperti diri sendiri, keluarga, rakan sebaya, pengaruh barat, masyarakat sekeliling, media massa dan sebagainya (Fauziah et al. 2012; Zainudin & Norazmah 2011; Wan Norina et al. 2013). Permasalahan ini juga adalah impak daripada modenisasi dan kejutan budaya yang melanda remaja zaman ini yang bukan sahaja memberi kesan kepada individu, malah melibatkan institusi keluarga, masyarakat dan negara (Zainudin & Norazmah 2011). Isu keruntuhan akhlak pelajar merupakan suatu ancaman besar bagi mencapai kemajuan dan pembangunan negara (Absha Atiah & Mohd Isa, 2019). Perkara ini turut diperakui dan dibuktikan melalui teori kelahiran dan kejatuhan tamadun yang dikemukakan oleh Ibn Khaldun (1993). Kajian yang di jalankan oleh Absha Atiah & Mohd Isa (2019) ke atas sebuah pusat perlindungan Selangor mendapati bahawa Antara faktor yang dikenal pasti terlibat dalam kajian ini ialah faktor diri sendiri, ibu bapa, media massa dan rakan sebaya.

Kajian yang di jalankan oleh Mariam et al. (2019) ke atas remaja hamil di luar nikah di Pusat Pemulihan Akhlak Negeri Selangor mendapati bahawa berpunca dari institusi keluarga, percintaan, media, kurang pendidikan agama dan rakan sebaya. Perceraian ibu bapa memberi impak terhadap kebahagiaan hidup berkeluarga terutama kepada anak-anak yang kehilangan sokongan ibu bapa yang boleh menyebabkan anak-anak rasa terpinggir. Kesibukan ibu bapa yang serius menjurus kepada pengabaian perhatian dan kasih sayang terhadap anak-anak sehingga merasa kesunyian. Kajian Alavi et al., (2012) mendapati bahawa remaja hamil luar nikah tidak mempunyai hubungan yang rapat dengan ibu bapa sehingga mendorong mereka terlibat dengan aktiviti yang tidak sihat. Kesibukan ibu bapa dalam mengejar harta dunia, kurang komunikasi dengan anak-anak, jarang berada di rumah serta kurang sokongan sosial merupakan antara punca anak remaja terjebak dalam isu ini.

Dapatan kajian yang di jalankan oleh Fauziah et al., (2015) mendapati bahawa semakin tinggi pengetahuan agama, semakin rendah kecenderungan pelajar untuk terlibat dengan aktiviti tidak bermoral dan juga merosakkan akhlak. Justeru, akhlak remaja boleh terbentuk melalui diri mereka sendiri, iaitu dari sudut Pendidikan dan juga penghayatan agama yang ada dalam diri. Sekiranya jati diri mereka utuh, maka mereka akan terdorong untuk melakukan perkara yang positif begitu juga sebaliknya. Percintaan antara sebab meyumbang ke arah peningkatan remaja hamil di luar nikah di sebabkan perbuatan zina yang dilakukan dengan kerelaan bagi pasangan yang dilamun cinta (Mariam et al., 2019).

Rakan sebaya adalah faktor luaran yang mempengaruhi pembentukan akhlak remaja. Hasil kajian yang di jalankan oleh Alice & Yim-Wah (2013) mendapati bahawa remaja terdedah kepada pengaruh rakan sebaya kerana mereka lebih cenderung untuk mengambil risiko secara berkumpulan berbanding bersendirian, selain rakan sebaya menjadi pilihan utama sebagai tempat meluahkan segala masalah berbanding keluarga sendiri. Kajian Ab. Halim dan Zarin (2009), yang menyatakan bahawa faktor media massa dan mempengaruhi pembentukan akhlak remaja hari ini. Hasil kajian ini mendapati bahawa media massa banyak memaparkan adegan pergaulan antara lelaki dan perempuan. Adegan yang tidak memelihara batas aurat antara jantina seperti ini menyumbang kepada masalah pergaulan bebas, gejala seks bebas, hamil luar nikah dan seumpamanya (Absha Atiah & Mohd Isa, 2019).

Media massa memainkan peranan yang penting dalam pembentukan pelakuan seksual dalam kalangan remaja. Media massa merupakan sautau bahan yang sangat mudah menarik pengaruh remaja seperti tontinan video lucu, mencari teman dengan mudah, berlelak melalui chatting, berseronok di alam maya dengan bebabs tanpa kawalan (Pakianathan, 2016). Penggunaan Internet turut mengundang kesan negatif di kalangan pelajar akibat penyalahgunaan teknologi maklumat dan komunikasi (ICT) dalam kalangan mereka. Ilmu yang kurang bermanfaat kepada pengguna seperti kisah dan gambar yang tidak bermoral, gossip, fitnah, sindiket penjualan barang terlarang dan pelbagai kegiatan yang tidak mendatangkan faedah kepada peningkatan ilmu pengetahuan pengguna. isu-isu seperti pelajar hilang akibat keluar rumah mengikut teman yang dikenali dari Internet, pelajar menyimpan bahan negatif, pelajar menghabiskan masa dengan bermain permainan dalam talian (online games) dan pelbagai lagi. Kesemua ini adalah berpunca dari penyalahgunaan ICT yang mana ianya turut mengaitkan prinsip etika ketika melayari Internet (Deborah, 2004).

Penyalahgunaan Aktiviti Internet dan Ketagihan WhatsApp: Suatu Analisa Konseptual. Kertas kerja ini ditulis oleh Afghani.Y et all. (2015). Kertas kerja ini mengupas gejala ketagihan penggunaan WhatsApp yang dikaitkan dengan internet sama ada untuk urusan peribadi atau selainnya. Penggunaan yang melampau itu mendatangkan kesan negatif kepada pengguna secara sedar atau sebaliknya. Artikel bertajuk Pengaruh Media Massa Terhadap Perubahan Sosial



Masyarakat oleh Sohana (2016). Artikel ini mendedahkan pengaruh media massa terhadap masyarakat yang terkesan dari kandungan yang terdapat di dalamnya. Masyarakat berada dalam dilemma sama ada menerima atau menolak secara total peralatan tersebut bagi menerima informasi. Informasi yang diterima memberi kesan kepada corak pemikiran, sikap dan gaya hidup. Ia mendidik masyarakat ke arah masyarakat yang bermaklumat di seluruh negara sama ada maklumat yang membina ataupun menggugat akhlak.

Tidak dapat dinafikan lagi, sebagai contohnya, media massa merupakan penyumbang utama kepada keruntuhan moral di kalangan belia. Program-program televisyen khususnya, lebih mementingkan hiburan daripada maklumat. Tayangan-tayangan filem barat dan hindustan contohnya, telah menolak unsur-unsur ketimuran yang sebatu dalam jiwa masyarakat. Adegan-adegan lucu hanyalah sebagai halwa mata bagi mereka. Jadi apabila filem tersebut dipertontonkan, sudah tentu golongan remaja amnya, akan meniru stail ataupun gaya dan aksiartis pujaan mereka. Secara tidak langsung, ianya mencetus kemelut jati diri bagi remaja yang sedang mencari identiti seterusnya terlibat dalam gejala hindunisme ini


dapatan kajian ini juga menunjukkan kandungan media massa yang paling diminati oleh pelajar ataupun golongan remaja ialah bahan berbentuk hiburan. Ini terbukti dengan hasil kajian yang dilakukan oleh Ab. Halim & Zarin. (2006) dimana hasil dapatan kajian mereka menunjukkan bahan media massa berbentuk hiburan yang paling diminati oleh remaja yang juga dikategorikan dalam kalangan pelajar. Di mana pengaruh hiburan ke arah keseronokan menjadi pilihan utama masyarakat berbanding slot agama dan wacana ilmu yang boleh menambah ilmu pengetahuan dan ini membuktikan media massa sangat mempengaruhi tingkah laku, akhlak dan kehidupan sosial mereka. Hasil kajian mereka juga mendapati tahap pendedahan yang tinggi terhadap media massa adalah faktor yang sangat mempengaruhi pegangan nilai akhlak remaja sehingga menyebabkan penularan masalah sosial.

Hasil keseluruhan kajian ini, menunjukkan bahawa media massa banyak memberi pengaruh positif kepada pelajar dan mereka masih lagi dapat memilih antara yang berfaedah mahupun sebaliknya. Disamping itu, dapatan ini juga menunjukkan minat pelajar terhadap bahan-bahan media massa berbentuk hiburan, humor, seram dan lucu boleh memberi kesan negatif kepada penampilan akhlak sebagai pelajar. Oleh sebab itu, mereka perlu menyeimbangkan penggunaan teknologi dan bahan media yang boleh merosakkan mereka supaya tidak menjurus ke arah keburukan yang boleh menjejaskan identiti dan jati diri mereka sebagai pelajar yang bakal menerajui negara pada masa akan datang (Sohana, 2016).

Menurut Bahagian Perkhidmatan Psikologi, JPA, Rozinah Jamaludin (2007), pelajar sekolah sering terlibat dalam isu ketagihan Internet. Hal ini disebabkan oleh tiada disiplin diri dalam diri pelajar. Pengurusan masa yang tidak teratur dan tiada kawalan daripada keluarga atau orang lain yang lebih dewasa merupakan faktor remaja terlibat dalam kegiatan Internet yang berlebihan

Kesan masalah sosial salah laku seksual bukan sahaja melibatkan remaja yang melakukannya malah melibatkan banyak pihak seperti keluarga, masyarakat dan negara. Ia juga memberi kesan kepada perundangan, kesihatan dan sosial. Dari aspek perundangan, Akta Kanaka-Kanak dan Akat Kanun Keseksaan menetapkan bahawa seks di bawah umur 16 tahun dianggap merogol walaupun ia berlaku atas dasar suka sama suka. Manakala dari aspek kesihatan, remaja yang terlibat dengan kehamilan luar nikah berisiko tinggi menghadapi masalah mental seperti kemurungan, tekanan dan stress. Stigma masyarakat terhadap remaja yang mengandung anak luar nikah membuatkan remaja berasa terpinggir dan tidak mendapat sokongan daripada keluarga dan rakan sekaligus merosakkan hubungan sosial remaja terbabit dengan orang sekelilingnya (Hazirah et al., 2020).

Bagi mencapai objektif kajian ini, soal selidik dan temubual dengan pegawai yang berkaitan telah dijalankan. Memandangkan kajian yang dijalankan ketika jumlah covid melonjak, agensi yang berkenaan tidak membenarkan temubual dijalankan dengan penghuni yang tinggal di Kompleks Rumah Kebajikan yang menempatkan remaja yang hamil di luar nikah bagi mengelakkan merebaknya kes covid. Justeru, bagi mengatasi masalah ini data yang diperolehi merupakan hasil temubual yang sempat dijalankan oleh pihak pegawai polis ke atas remaja yang dalam proses penyiasatan persetubuhan di bawah umur.



Sumber :World Health Organization

Dalam tempoh 3 tahun mulai 2009 hingga 2011, di rekodkan 154 kes persetubuhan haram 77% melibatkan mereka yang berumur di antara 18 hingga 35 tahun dan ini tidak termasuk kira-kira 4% mereka yang berumur di bawah umur 18 tahun. Bilangan gadis-gadis remaja yang mengandung dan belum berkahwin adalah meningkat.¹ (Abu Bakar, Hj Abd Rahman, 2012, Permasalahan Belia Semakin Meruncing. <https://www.pelitabrunei.gov.bn/Arkib%20Dokumen/2012/Disember/291212.pdf>. Akses pada 15 Ogos 2022.

4.Kesimpulan

Media amat berpengaruh dalam masyarakat dalam apa jua keadaan termasuklah untuk melestarikan kehidupan masyarakat. Media massa pada asalnya bersifat sekadar untuk menyebarkan maklumat dan komunikasi semata-mata. Kemudian media massa turut menjadi sumber hiburan dan kini media terus bergerak mengalami transformasi bukan sekadar sebagai peantara menyebarkan maklumat dan hiburan, tetapi juga sumber pelbagai aktiviti lain termasuk baik dan buruk. Daripada satu aspek, media sememangnya merupakan agen perubahan masyarakat yang penting melebihi suara-suara lain. Jesteru, media mempunyai potensi yang sangat besar dalam menyalurkan nilai-nilai yang positif dan murni kepada semua golongan masyarakat. Ini kerana masyarakat kini menjadikan media massa sebagai wadah untuk mencari maklumat, memahami apa yang tidak didapati di sekolah ataupun rumah dan mencernakan maklumat tersebut menjadi fahaman dan pegangan diri mereka. Apa-apa sahaja medium yang bergerak dalam masyarakat mempunyai tanggungjawab sosial yang besar dalam membawa masyarakatnya kearah yang lebih bertamadun dan bukannya menjatuhkan martabat atau merosakkan masyarakat. Dalam konteks semasa, pengaruh media massa akan dipengaruhi dari sejauh mana pengguna media memiliki pengetahuan yang cukup dan menghargai dengan baik media itu sendiri (Sohana, 2016).

Selain itu, Internet juga membawa maklumat-maklumat lucah yang boleh menjanakan masalah sosial terutamanya jenayah (Johari & Raja Shahrina, 2012). Che Wan Badrul Alias (2010), menyatakan laman web seks dan ponografi kekal di tempat tertinggi, iaitu pada tempat keempat dan kelima daripada 100 laman web yang kerap dikunjungi oleh kanak-kanak dan remaja sepanjang 2009. Rangkaian Internet boleh juga menjadi saluran tidak sihat untuk melakukan jenayah. Merujuk kepada pengalaman Singapura, pada tahun 1999, lima gadis dan seorang wanita telah dirogol oleh kawan yang mereka kenali melalui Internet atau telefon. Singapura merupakan satu negara pengguna Internet yang tinggi disebabkan dasar kerajaannya untuk menggalakkan keciklik komputer bagi menghadapi kemajuan abad ke-21 (Ho Lip Wah, 1999).

Peningkatan statistik kehamilan dalam kalangan remaja banyak menyumbang kepada pengguguran janin dan pembuangan bayi (Adibah & Siti Zubaidah, 2017). Hal ini disokong oleh Lukman (2006) yang menunjukkan 90% status bayi luar nikah menjadi faktor utama bayi di buang. Dalam kalangan orang Islam, anak-anak yang tak sah taraf juga termasuklah bayi yang lahir kurang enam bulan dari tarikh pernikahan ibu bapanya. Bagi pasangan bukan Islam, kebanyakan kes merujuk anak di lahirkan sebelum Tarikh oendaftaran perkahwinan atau anak yang tidak mempunyai bapa. Adalah suatu andaian yang logic apabila perbuatan zina, hamil luar nikah dan kelahiran bayi yang tidak di kehendaki menjadi faktor yang relevan kepada pembuangan bayi (Hashim et al., 2008).

¹ Perkara yang disampaikan oleh Timbalan Menteri Jabatan Perdana Menteri(JPM) Yang Mulia Dato Paduka Awang Hj Abdul Wahab bin Juned dalam Majlis Penutup Program Perkhemahan Belia Melayu Islam Beraja di Majsid Salihin pada 29 /12/2012.



Rujukan

- Ab. Halim, Tamuri & Zarin, Ismail. (2009). Hubungan Antara Pegangan Nilai Moral Dengan Media Massa: Tinjauan Ke Atas Remaja Melayu Luar Bandar. *Sari* 27: 199-212.
- Ab. Halim, Tamuri, & Zarin, Ismail. (2006). Hubungan Media Massa Dengan Pegangan Akhlak dan Pengajaran Pendidikan Islam: Satu Kajian Remaja di Sabak Bernam. *Prosiding Wacana Pendidikan Islam siri ke-5*; 1-8. UKM. Bangi: Fakulti Pendidikan.
- Absha Atiah, Abu Bakar & Mohd Isa, Hamzah (2019). Faktor Keterlibatan Remaja Dengan Masalah Sosial. *Jurnal Hadhari* 11 (1) hlm 1-17.
- Abu Bakar, Hj Abd Rahman, (2012), Permasalahan Belia Semakin Meruncing. *Pelita Brunei*. <https://www.pelitabrunei.gov.bn/Arkib%20Dokumen/2012/Disember/291212.pdf>. Akses pada 15 Ogos 2022.
- Adibah, Bahori & Siti Zubaidah, Ismail. (2017). Kehamilan Luar Nikah Dari Perspektif Undang-Undang Jenayah Syariah di Malaysia dan Pengawalannya Melalui Program Pencegahan. *Jurnal Undang-Undang dan Masyarakat*. Special Edition. Hlm 1-15.
- Afgani @ Eusoff, Yendo., Wan Mohd Yusoff, Wan Chik, Nor Suhaily, Abu Bakar & Muhammad, Denny. (2015). Penyalahgunaan Aktivit Internet dan Ketagihan WhatsApp: Suatu Analisa Konseptual. *Proceeding of International Conference on Addiction Science: Holistic Approach on The Misues and Addiction Management*. 8-9 June 2015, Universiti Sultan Zainal Abidin, Terengganu.
- Akram, Redha. (2000). *Syabab bila Masyakil Rehlah min al-Dakhil*. Maidan Sayyidah Zaynab, Dar al-Tawzi'wa Al-Nasyr al-Islamiy.
- Alavi, K., Nen, S., Ibrahim, F., Akhir, N. M., Mohamad, M. S., & Nordin, N. M. (2012). Hamil Luar Nikah Dalam Kalangan Remaja. *e-BANGI*, 7(1), 131-140.
- Alice, Yuen Loke & Yim-Mah, Mak. (2013). Family Process and Peer Influences on Substance Use By Adolescents. *Inetrantional Journal of Environment Research and Public Health*. 10, 3868-3885.
- Anuar, Puteh. (2001). Perkembangan dan Pembentukan Remaja Menurut Perspektif Islam. *Kajian Islam*. Vol XIX (2). Hlm 79-101.
- Arun, Arun. (1999), Smart Cities : The Singapore Case, Cities, Vol. 16, No. 1, pp. 13-18.
- Azyyati, Mohd Nizam., Fariza, Md Sham & Salasiah Hanin, Hamjah. (2013). Ciri-Ciri Remaja Berisiko: Kajian Liteatur. *Islamiyyat*. Vol 35(1). Hlm 111-119.
- Bronfenbrenner U. (1979). *The Ecology of Human Development: Experiments by Nature and Design*. Cambridge, MA : Harvard University Press.
- Deborah, G. (2004). Ethical, Psychiological and Societal Problems of the Application of ICTs in Education. *Analytical Survey*, United Nations Educational, Scientific and Cultural Organization.
- Fakhir, Aqil. (1963). *I'rif Nafsak Dirasah Saikolojiyah*. Beirut, Dar Al-Ilm li al Malayin.
- Fauziah Ibrahim, Norulhuda Sarnon, Khadijah Alavi, Mohd Suhaimi Mohamad, Noremy Md Akhir & Salina Nen. (2012). Memperkasakan pengetahuan agama dalam kalangan remaja bermasalah tingkah laku: Ke arah pembentukan akhlak remaja sejahtera. *Journal of Social Sciences and Humanities*: 84-93.
- Garmez, Norman. (1991). *Resilience in Children's Adaptation to Negative Life Events and Stresses Environments*. <https://journals.healio.com/doi/full/10.3928/0090-4481-19910901-05>. Akses pada 22 Julai 2022.
- Hashim, Bedu., Kahirulhelmi, Katip., Mohd Fahmi, Mohd Sahid. (2008). Keruntuhan Akhlaka dan Gejala Sosial Dalam Keluarga: Isu dan Cabaran. *Kertas kerja Seminar Kaunseling Keluarga*. Fakulti Pendidikan, Universiti Teknologi Malaysia.
- Hazirah, Abdul Hadi., Mohammad Mujaheed, Hassan., Wan Nur Nazihah, Wan Hamzah, Wan Munira, Wan Jaafar., & Wan Arnidawati, Wan Abdullah. (2020). Kehamilan Luar Nikah Dalam Kalangan Remaja. *Malaysia Journal of Youth Studies*. Hlm 16-36.
- Ho Lip Wah. (1999). *Pengaruh Teknologi Maklumat Ke Atas Kehidupan Di Bandar*. <https://www.coursehero.com/file/46664993/Pengaruh-Teknologi-Maklumat-Ke-Atas-Kehidupan-Di-Bandardocx/>. Akses pada 2 Ogos 2022.
- Hurlock B, Elizabeth. (1980). *Development Psychology (A Little-Span Approach)*. Fifth Edition. Mc Graw- Hill Inc.
- Ibnu Khaldun. (1993). *Muqaddimah Ibn Khaldun*. Terj. Kuala Lumpur: Dewan Bahasa dan Pustaka.
- Johari, Hassan & Raja Shahrina, Raja Abdul Rashid. (2012). Ketagihan Penggunaan Internet di Kalangan Remaja Sekolah Tingkatan 4 Di Bandaraya Johor Bahru. *Journal of Technical, Vocational & Engineering*. Vol 6, hlm 23-43.
- Jolley S. (2001). Promoting Teenage Sexual Health: An Investigation Into The Knowledge, Activities and Perceptions of Gynaecology Nurse. *Journal of Advanced Nursing*. Vol 36 (2), hlm 246-255.



- Lukman Z, Mohamad. (2206). Children in Prostitutions a Astudy of Young Women in The Rehabilitation Centers in Malaysia. Tesis Phd. Fakulti Sains Pemnbangunan, Universiti Kebangsaan Malaysia.
- Majdiyy, Al-Hilaliyy. (1997). *Dhahirah al-Da'í fi Al-Nafsiyy*. Maidan Sayyidah Zaynab, Dar al-Tawzi'wa Al-Nasyr al-Islamiy.
- Mariam, Abd Majid, Nurul Zafirah, Azman & Nurul Izzah, Mohd Yani. (2019). Faktor Penglibatan Remaja Dalam Salah Laku Seksual: Kajian Terhadap Remaja Hamil Luar Nikah di Pusat Pemuliham Akhlak Negeri Selangor. Al-Irsyad, *Journal of Islamic Civilization Studies*, KUIS, vol 4 (2).
- Maizurah, Ismail. (2018). *Too Young To Be A Mother*. <https://theaseanpost.com/article/too-young-be-mother>. Akses pada 20 Februari 2021.
- Mohammad Nasir, Bistaman. (2006). Kesan Kaunseling Kelompok Ke atas Penyesuaian Remaja Berisiko. *Disertasi*. Bangi, Universiti Kebangsaan Malaysia.
- Mohd. Fauzi, H., & Mohd. Khairul Naim, C. N. (2012). Tinjauan Kepentingan Pembangunan Modal Insan Di Malaysia (Review on the importance of human capital development in Malaysia). *Jurnal Al-Tamaddun*. Bil. 7(1), 75-89.
- Muhammad Hamid, al-Nasir & Khaulah, Darwish. (1997). *Tarbiyyah al-Murahi'q fi Rihab al-Islam*. Beirut, Dar Ibn Hazim.
- Pakianathan, P.Y. (2016). Faktor-Faktor Yang Mempengaruhi Salah Laku Seksual dalam Kalangan Pelajar Sekolah Menengah. *Tesis Doktor Falsafah*, Fakulti Pendidikan dan Pembangunan Manusia, Universiti Kebangsaan Sultan Idris.
- Rozinah, Jamaludin (2007). *Internet dalam Pendidikan*. Pulau Pinang: Penerbit Universiti Sains Malaysia.
- Sarnon, N., Mohammad, M.S Fauziah, I, Alavi, K., Nen, S., Hoesni, S.M, Zaizul, R., Wan Azreena, J. (2013). Hamil Luar Nikah: Memahami Remaja Sebagai Intervensi Keluarga. *Journal of Social Science and Humanities*. Vol 7 (1) hlm 121-130.
- Sohana, Abdul Hamid. (2016). Pengaruh Media Massa Terhadap Perubahan Sosial Masyarakat. *Journal of Social Sciences and Humanities*. Special Issue (1).
- UNESCO (n.d). *Youth Because Youth Matter*. <https://www.unesco.org/en/youth>. Akses on 21 Julai 2022.
- Wan Norina, Wan Hamat, Zaharah Hussin, Ahmad Fkrudin Mohamed Yusoff & Ahmad Arifin Sapar. (2013). Pengaruh media massa terhadap penampilan akhlak pelajar islam Politeknik Malaysia. *The Online Journal of Islamic Education*. 1: 17-27
- Wilga Secsio, Ratsja Pitri., R. Nunung Nurwati & Meilanny, Budiarti S.(2016). Pengaruh Media Sosial Terhadap Perilaku Remaja. *Prosiding Penelitian & Pengabdian Kepada Masyarakat*. Vol 3 (1). Hlm 47-51.
- World Health Organization (2020). *Adolescent Pregnancy*. <https://www.who.int/news-room/fact-sheets/detail/adolescent-pregnancy>. Akses pada 9 Ogos 2022.
- Zainudin, Sharif & Norazmah, Mohamad Roslan. (2011). Faktor-Faktor Yang Mempengaruhi Remaja Terlibat Dalam Masalah Sosial Di Sekolah Tunas Bakti, Sungai Lereh, Melaka. *Journal of Education Psychology & Counseling* 1: 115-140.

eISSN 2948-5045



9 7 7 2 9 4 8 5 0 4 0 0 1